



21412

kat.komp.



Mag. St. Dr.

P

*Biechanowski Janusz Jos: Antifodina sapientiae  
in Bibliotheca Almar Univ. Cracov. —*

PANEG. et VITAE

Polon. Fol.

N<sup>o</sup> 841.



Biblioteka Jagiellońska



stdr0002529



# AVRIFODINA SAPIENTIÆ

in Bibliotheca ALMÆ VNIVERSITATIS CRACOVIENSIS,  
nouo immortalis beneficij genere,

<sup>AB</sup>  
ILLVSTRISSIMO,  
& REVERENDISSIMO DOMINO,

## D. ANDREA

DE OLSZOWA

## OLSZOWSKI,

Dei, & Sedis Apostolicæ Gratiâ,

EPISCOPO CVLMENSI, & Pomesania,

Regni Poloniae PROCANCELLARIO,

Literarum, & Literatorum Mecenate Amplissimo,

Vsui publico munificentissimè

### A P E R T A,

& in solenni sua Apertione,

perennis memoriæ, & gratitudinis ergò,

<sup>A</sup>  
M. STANISLAO IOSEPHO BIEZANOW.

SKI, Philosophiæ Doctore, Collegæ Minore,

Ordinario Pœdesos PROFESSORE,

Rei literariæ publico Nomine

celebrata.

Anno Sapientiæ Incarnata, 1671. Die 13. Maij.

\*\*\*\*\*


C R A C O V I Æ,

In Officina SCHEDELIANA, S. R. M. Typograph.

J. XIX. 74. n.



IN GENTILITIUM INSIGNE.  
ILLVSTRISSIMI  
ET REVERENDISSIMI DOMINI,



*Vt Tibi cor Patria, cor magni Principis, utq;  
Dulce tuum cunctis, cor sine felle patet;  
Sic dequit, per Te Celsissime Praesul, aperta,  
Vt fieret doctis, Bibliotheca viris.*

CASIMIRVS de Teczyn TARŁO, Palatinides Sando-  
miriensis, Philosophiae Auditor.

*Qua fuerat collecta diu sementis, ab omni  
Ætatis serie, totq, repostâ libris;  
Felices anima, quibus est sapientia cordi,  
Plaudite, falcibus his, aurea messis erit.*

SIGISMVNDVS COMES, à DONHOFF, Capitanei-  
des Vielunensis, Philosophiae Auditor.





# AVRIFODINA SAPIENTIÆ.

**A**Rcanum Sapientiæ, quàm diu non patet,  
auri vena est, sed non FODINA.

Natura quidem auaras mentes fugiens,  
cimelia sua, gemmasq; , in visceribus abdidit;  
fundum Margaritis, in profundo Oceani dedit;  
diuitiarum suarum, quantumuis in abdito, tam securo, tenaxq; ;  
ut nisi inuadentibus, thesauros suos in Venis metallicis refferasset;  
ipsa etiam viscera, inter fodientium, Scrutantiumq; operas amisisset.

*Itum est ubiq; in venas eius;*

Dissectaq; compage, quod negauit integra, lacera dedit:  
adeòq; iam migravit in cauernas eius, pars hominum maxima;  
dum cædet mortales, vitam hominum agere, nisi cuniculi etiam, talpæq; fiant.  
quas tamen vsus fodinas primùm fecit;  
fecit abusus voragines;

qui cum omnia euiscerat, omnia absorbet;  
omnia iterum tantò funestius abdidit,

dum ex sinu naturæ, transtulit ad avaritiæ sordes.

Alius Sapientiæ genius est.

capacissimos amat, etiam auarissimos ambit.

Sitim hinc Tantaliam, Euclionumq; abyssos, si attuleris;  
postquàm impleuerit omnia, nihil illi de fonte suo decedet.

Timor eam, ne deficiat, aut vsu profanetur, ad latebras non vrget:  
contra vtrumq; , etiam in plano, publicoq; , inexhausta, & diuina est.

Impleuit orbem.

& adhuc plenum cornu Amalthææ gerit.

Secula vicit, & annos non computat.

ingenia, & Atlantes eruditionis fatigauit, nec mole succubuit:  
in omnes se diuisit, & adhuc omnium Pandora est:  
diuitiarum suarum, in aureas mentes prodiga, à tot seculis venas, & viscera fudit;

& adhuc AVRIFODINA esse non desit.



Est tamen secretiùs aliquid;  
quod interdum intra cortinam hæreat, vsumq; sui differat.

*Res nimirum diuina,*

inuentores suos, ex facili, haud promiscuò, haud patitur;  
quæ vt nasceretur etiam ex selectissimis, Iouis cerebrum in vterum vertit.

Ab omni seculo quæsitæ, ijs vbiq; disparuit,  
quibus cum ex Promethei virga, cælestes scintillæ venerint nullæ;

**informia Pyrrhæ saxa,**

lapides nempe supra lapidem, dicto Aristippi, in theatro sedent.

Mentibus cultissimis amica, gloriæq; domina, non seruat;

cum honorem suum delicatius tuetur, in eo delicatissime,

ne se digito alijs commonstrent;

qui mente pariter, manuq; aureâ carent.

**vtramq; in Te,**

Literatissimi seculi, & calami gemma,

ingeniorum amulsis, eruditæ gloriæ apex,

*Magne Culmensis Antistes, Regniq; Vice-Cancellarie,*

**ANDREA OLSZOWSKI,**

Sapientia, quæ domi Tuæ Rex est, vidit;

Vtramq; , ad delictum suum pertinere censuit.

**Diu quidem elaborauit,**

vt in Te, seculo Nostro, aureum ad oracula sua tripodem, formaret.

**Sed Aurifodinam quoq; Tibi,**

aurearum mentium, venas omnes scrutata,

longissimo temporum tractu, ita collegit, seruauitq; ,

vt cum in omnium oculos palam incurreret;

**Soli Tibi, ocello sapientum,**

Semel visa, æternum dilecta,

pretium sui, & vsum, quo in publicum transiret,

diu celato arcano reuelaret.

adeò non omnium est, communi bono posse sapere;

& quod diu, vel è longinquo, corruatum est,

semel intueri, semper facere fontem.

Debebatur hæc erudita felicitas, illi genio;

qui nouam ex vetustissimi seculi ritu,

**Regum in Patria Aurifodinam inuenit;**

docuitq;



docuitq; Poloniam, pro coronato capite alibi curiosam,  
domi suæ sapere:

ut nouam in vetustissimâ Academiæ Bibliotheca,  
bono publico Aurifodinam referans;  
vtrasq; & Regum, & Sapientiæ, domi coronas nasci edocens,  
domi populorum, & animorum Reges faceret.

### Nimirum

ad quem daſtiliotheca IAGELLONII sanguinis,  
Ne coronatum monile, alieno capiti referaret,

Sub inuestigabili secreto pertinuit;

Bibliotheca quoq; Vniuersitatis IAGELLONIÆ,

ut quod diu, ex vetustâ ætate collegerat,

Sub nouo tandem, IAGELLONII Sanguinis recurſu,  
in vſus publicos produceret, ſpectauit.

ita diu celato artificio, ab eadem manu,

& ad Regni faſces, & ad Sapientiæ faſtos,

folia Sibyllæ aperta ſunt.

*Ceſſitudo hæc animi T V I,*

Præſul Sapientiſſime,

quodd primitias beneficiæ, in BIBLIOTHECÆ apertione elegeris;

Suprà Naturæ, & Orbis ſenium, viuida eſt.

*Claudi paſſim omnia, claudicareq;*

ceu Vulcani femur ubiq; hæſitet, videmus.

Rugas paſſim notabiles, manuſq; tremulas,  
& ſordidū illud, capulareq; ſeculi dedecus, quod frontem ingenuam amiſit;

Mulæ fugiunt, Gratiæ auerſantur.

Auguſtos, Mæcenates, Alphonſos,

Natura ceu parere deſueuerit;

ſædos Liciniorum abortus, ubiq; proijcit:

qui non ſplendorem BIBLIOTHECIS, ſed ignem & faces;

quod Labieno, qui ob ſummam ſcriptorum mordacitatem,

rabies dictus fuerat, Nouo Romæ ſupplicio contigit,

Libentiùs præferent.

Solem Tu ijs, animam, vitam,

eo Spiritu, eo cœleſti vigore, lumine, ſtimulo;

*ut niſi beneficiæ Tuæ, viſ hæc calentiſſima,*



rigidum, quòcum Sarmatæ còffictamur, pectus ad literas animes;  
non verba hic tantum, vocelq;, vt in fabulosis Moscuæ frigoribus;  
Sed animas quoq; ipsas congelari, haud frustrà crediderim.

In spem adhuc optimam, res literaria assurgit;  
cùm sapientia, in ea quam sibi ædificauit domo;  
ferreâ ætate, portam auream pandit;  
vt superesse adhuc, bonarum mentium ab aureo æuo fragmenta,

**Læti discamus;**

quando Regina mentium, è Secreto Maiestatis, vltra vestibulum progressa;  
non inuitat tantùm selectiores animos, sed vrget,

**Hoc demum est,**

contrà vulgares profectus, quibus modici ex triuio sensus,  
*ingens literatura;*

& duo, tresue, qui in locorum communium enchiridion abiêre, Libelli,  
eruditionis alpha & omega sunt;

Magno in publicum, exactissimi profectûs desiderio niti;  
ne vitium seculi vocemus, quod oscitantia est.

Ne ad nauseam vsq;, exculi Nobis, literatiq; helluones videamur,  
cùm ne numerum quidem librorum, absq; rædio ferre possimus;  
quorum vel solum Didymum Grammaticum, Bibliolatam dictum,  
amplius quam tria millia concinnasse, nausæ nostræ pudor est.

**Ægyptios, Gymnosophistas, Abyssinos,**

Sapientiæ studio visere non cogimur.

Platani, aut fraxini, aceris, aut tiliæ cortices,  
palmae folia, ceratae tabellæ, plumbeaq; volumina,  
eruditos non onerant.

in sindonibus fullatis, coloratas, vt Brachmanes fecêre  
non ducimus literas.

non cum Babylonijs, coctilibus laterculis;

non cum Cleanthe, quod à Zenone audierat,

In regula, osse adnotamus?

lapidesq; nobis, cum incisis Phoenicum literis, non dissiliunt.

**Agit nobiscum sapientia, summâ facilitate;**

*vt feliciter doctos, etiam inuitos faciat.*

Aurea Hesperidum mala, peruigili bellux;

Phrygium vellus, flammeis excubijs, dentataq; sementi,  
vt non pateret omnibus, creditum.

**AVRIFODINA SAPIENTIÆ, excubias omnes soluit;**

ultrò



ultro se aperit, & offert;  
 eum Te, Magne Præsul, Mecænatem nacta,  
 qui ceu lapis Philosophicus, omnia quæ tetigeris;  
 non Midæ, sed immenso profectus publici voto,  
 in aurum sapientiæ mutas.  
 Bibliothecæ vsum, quod impensius dilexeris,  
 viua in Te Bibliotheca fecit.  
 non poteras dissimulasse, id quod totus es;  
 non poteras auræ id clauē, non aperire;  
 quod pridem in Te reserasti.  
 collegisti in Te prius, quod collectum in aliis velles;  
 ante apertionem Bibliothecæ, magna iam ipse eruditorum collectio  
 quæ toties in publico, cardines suos rupit.  
 Tune intra cancellos patereris nūmen illud?  
 quod ProCancellarius Regni, vltra omnes cultissimarum gentium cancellos,  
 ore, & calamo promouisti?  
 Heroica animi Tui magnitudo,  
 vt Regum solia, consilio firmat;  
 ita Regiarum opum, & mentium basilicum opus,  
 archiua sapientiæ, domosq; Bibliothecas aperit.  
 Diuina hæc, immortalium operum, fitis est;  
 quæ Regum decus, non æmularis ad gloriam, sed vsum.  
 Sudauit in hoc genere ætas omnis;  
 vt Diuinos eruditarum frontium sudores,  
 non leues, deciduasq; guttas; sed aureum Iouis imbrem faceret, æstimaretq;  
 Profusissimi in hæc dispendia, excessere nunquam:  
 qui pro hoc maximo Orbis talento, vtinam talenta omnia prodegissent.  
 Aureos cineri mortalium oculos prouidemus;  
 Mausolea tollimus, lucernas sepulchrorum inextinctas accendimus.  
 Animorum sensus immortales,  
 & quod, ex Diuinitatis portione selectissimum habuere,  
 translatum in literas, quidni selectissima terra portio ambiat?  
 pretiosa, quam spurcissima hominum scoria inhabitauit,  
 aureæ Neronis domus laquearia,  
 Nobilissimi dignitatem metalli contaminarunt.  
 Animorum hæc palatia, Sapientiæq; potius triclinia sunt:  
 quando nunquam gemmis, & auro felicius successit;  
 quam cum Diuina Homeri, in Darij arcam, Ilias venit.  
 Quicquid in ea, Persicus ante condiderat luxus,



indignum patellâ operculum fuit.

Scitè admodùm, quanquam inter classica, rem tetigit Macedo;  
cùm Mætonij Vatis carmen sapiens, ceu gemmâ posuit inter gemmas.

*Hic illi locus, & omnibus;*

qui quod derogarunt viræ, prorogarunt sapientiæ;

**Regio Viri animo,**

digniçue, vt posthuma eorum opera, Regia præcipuè cura fierent.

*Attalus hoc egit,*

**Vetustissima Pergami in Vrbe Troadis BIBLIOTHECÂ;**

*in qua ritu illius seculi, quanquam hoedinis sapientiam credidit monumentis,  
vellus omne aureum superauit.*

**Ptolomæus Philadelphus, Alexandrinâ Ægypti,**

ampliùs quàm ducentis librorum, millibus instructâ,

*plus de immortalitate meruit;*

quàm si Gaditanos, & Indos, & quicquid inter hos gentium, terrarumq; interiacet,  
ad nutum imperij, vnâ manu frenasset.

rudimentum Asinij Pollionis, quod conseruandis vaturn diuinis operibus,

Romæ primus tentauerat;

Magno post tot secula profectu, ad vsq; Sacrum,

**BIBLIOTHECÆ Vaticanæ fastigium processit.**

Loquitur hîc vniuersale, in suis Authographis, Orbis idioma;

*gaudentq; Sapientiz Proceres, quod easdem, quibus cælum aperitur, depositi sui clauces habeant.  
quando sacrorum in Regno Ecclesiæ Principes, principem sapientiæ, post religionis arcana, curam*

quam semper in pretio habuerunt, etiam in delicijs habent.

Curam hanc, vt inter diuiniore, orbis censeat;

*ipsa etiam Diuinitas,*

**BIBLIOTHECAM, in arca Mosaica, tabulis & literis dedit;**

exquisito vtiq; artificio, & sumptu;

quam, vt affabrè facta fieret, Deus ipse Architectus dimensus,  
ex auro mundissimo, Cherubicis etiam custodiendam alismandauit.

*Opus ergo diuinum, immortalis beneficio prosequeris;*

Magna olim & ipse, immortalium operû, materies & occasio, futurus,

**Præsul Munificentissime.**

Omne deinceps seculum, Nomini Tuo assurget;

quod prouidere volueris, ne animorum indoles iaceat;

dum queritur, quod ad Sapientiæ oracula non assurgat.

Transibis in imas pectorum medullas, toties erudito spiritu tractus;  
quoties Bibliothecæ, in vsus publicos apertius spiranti, animam Te dedisse,  
grata posterorum memoria recordabitur.

**Alimentum hoc munificentiz Tuæ,**

*in sub*



in substantiam alitæ eruditionis, dum conuerteretur;  
*Nunquam cessabis orbi viuere; quia vitales legentium spiritus,  
Nunquam cessabis habere.*

Romanus sapiens, non posse dari beneficium sapienti, censuit;  
cui quicquid dederis, de suo accipit.

De Tuo Sapientia accipere non erubescit.  
quòd in eam quicquid contuleris, commune tecum habeat.

Quin & gratias Tibi agere cupientes,  
felix gratiarum inopia nos conficit;  
nisi enim de Tuo pectore, quarum sedes est, Gratia nobis venerint;  
Nostræ gratiam omnem amittent.

pro gratia igitur, quam non assequimur,  
Tu ipse Tibi gratiarum actio, Tu eloquentia sis.

Dignissima Te gratitudo, sola & vnica est;  
Nos ad gratiam Tuam, nihil dignè posse.

*Os, aureum Republica cum sis,*

**Aurifodina Tua de Te loquatur;**

Non quod literas, vt olim Cadmus Græcis,  
Memnon Aegyptijs, Rhadamanthus Assyrijs, Hercules Phrygibus,  
*Carmenta Latinis; sed modum,*

per quem literatissimo seculo, sapientia ampliùs proficeret, inueneris.  
proficiet vsq; ad vastam gloriæ Tuæ Bibliothecam;  
quâ cum Orbem impleueris;

omniumq; ætatum laudes exhauseris, & gratias;  
incomparabilis Tua

bonitas, Sapientia, virtus,

faciet Te inexhaustam,

boni publici

**AURIFODINAM.**



GRATI-

C



# GRATITVDO LYRICA.



Amnata ferro, cedite secula,  
Inominatis cusa rigoribus,  
Lemni repercussæ sub antris,  
Quæ valido genuistis ictu;  
Sæuus trecentos dum per anhelitus,  
Incude Brontes fudat in arduas;  
Mundi senescentisque probra,  
Heu sterili repetit metallo!  
Vulcanæ, tecum cum Siculis procul,  
Ferrata moles, exulet ignibus:  
Beatioris rursus æui,  
Flos rediit, rigoq; ducta  
Ætas ab auro. iamque micantium,  
Coruscat orbi Sarmatico, noua  
Fodina venarum, togati  
Præsuleâ referante dextrâ  
Auri profundum. Iane quid inuidam  
Frontem retorques, orbis ad vltima?  
Tecumq; falcatus, quid vrget  
E Latio Pater, emicantis  
Venam fodinæ? prisca nitentibus  
Non omne fulgur temporis aurei,  
Ætas quadrigis, cum fugaci  
Sorte tulit. pretium beati,  
Nec omne ferro vindice seculi,  
Rerum senectus vltima concidit.  
Imus coronati nepotes  
Flore nouo, feriemq; contra  
Naturæ, & vsum, reddimur aureæ  
Orbis iuuentæ! quando sub Arctici  
Gemma Trionis, grande Musis  
Surgit opus melioris æui;  
Gemuntq; fractæ munificâ manu  
Rerum catenæ; docta micantibus  
Prodire fragmentis, vt ætas  
In faciem queat cruditam.  
At literatis dulce laboribus  
Nomen quod illud? quis radiantium  
Fons iste venarum? quis istud  
Decidui graue pondus auri,

Plenos



Plenos in vsus fundit? & optimis  
 Largitur vltro mentibus? aureum!  
 O nomen! o dextræ beatas  
 Noscimus OLSZOVIAE procellas!  
 Diuinitatis portio maxima,  
 Te PRÆSVL vrget; quod sapientiæ  
 Arcana Maiestas, decusque,  
 Latius vt pateat, per vsus  
 Aperta doctos, cura Tibi Sacrum  
 Pectus fatiget. vim Tibi cernimus  
 Fecisse amorem, literato  
 Pectore, qui violentus ardet,  
 Imasque Sacri fomitis ignibus,  
 Coquit medullas; queis sapientiæ  
 Diuinus Antistes, Atlasque  
 Pro genio sapiente zelas.  
 Augusta Regum, non Tibi grandibus  
 Firmasse curis Sceptra; nec æmulos  
 Vicisse conflictus tonantum,  
 Regna super, populosque Lechi,  
 Ab orbe vasto gentium, & arduos  
 Domi labores sufficit; vt suum  
 Elector admiratus ipse  
 Sarmata, non caperet latentis  
 Opus Secreti; dum CORIBUTEVS  
 Signatur alto sanguis ab æthere;  
 Votoque censuræ beato,  
 Sarmaticos meruisse fasces  
 Censetur. vt iam restet in entheo  
 Haud vlla Delphis gloria flamine;  
 Si de coronarum secreto,  
 Vis animi sapientis, altos  
 Cæli recessus pandit, & in Tua  
 Magni statera iudicij, sacræ  
 Momenta decernit coronæ;  
 O animi decus eminentis!  
 O PRÆSVL alti pectoris! vt Tibi  
 Fastigiato culmine Cæsarum,  
 Cæsar LEOPOLDVS, potentis  
 Imperij caput, Austrijque  
 Cor dulce Regni, fœdera sanguinis,  
 Et Lechicarum credita gentium  
 Probauit, augustoque suadam  
 Ore loqui stupuit Polonam.



Heroa sed mens, tot meritis licet,  
Effusa caræ viscera Lechia  
Impendat; & totis anhelet  
Ferre manum, Patriæ medullis;  
Commune necdum, se latis æstimat  
Bonum, tot actis, totq; laboribus,  
Iuuisse; nî sumptus, modosq;  
Inueniat, quibus ampliori  
Communicatæ vis Sapientiæ,  
Assurgat vsu, quàm calor hîc Tuus,  
Diuinus, immortalis, & quàm  
Impatiens! nisi Diua Pallas,  
Triumphet; & nî res **IAGELONIA**  
Eat Lycei celsius, ad Tuos,  
Hæremus affectus, nec ipsi  
Delicium satis æstimare  
Nostrum valemus; quod capere arduum est.  
Sed gratiarum munere prosequi,  
Orbiq; victurilq; seclis  
Posse loqui, superest facultas,  
Haud vlla nobis, vos ego publicis  
Inserta cælo Nomina plausibus,  
Antistitesq; literati,  
Vos, Proceres sapientis æui,  
Ab vsq; Olympi sedibus Vrgeo,  
Ad gratiarum Maxima Præsuli  
Soluenda, quæ viuos, tributa  
Deficiunt, paribusq; nunquam,  
Insigne nomen tollere laudibus,  
Æternitati Palladiæ valent,  
Vos ite, vos Orbi, stupete,  
Vt pater **AVRIFODINA** vestris,  
Beata gazis; milleq; ditibus  
Aperta venis, riteq; publicos  
Dicata ad vsus, vos honori  
**OLSZOVIO**, Sapientiæq;  
Plausus, triumphos, carmina, grandinem,  
Manuq; plenâ liligeram date,  
Fontem coronantes, vt orbi  
Sarmatico, Patriæq; viuat  
Musarum ocellus, corculum, & aureus  
Sol literarum, par sibi, & vnicus  
Encomiastes, omniumq;  
Maxima Bibliotheca laudum.







